

PLATFORMA

za radnu posjetu Damira Gutića, ministra socijalnog staranja, brige o porodici i demografije, Ministarstvu civilnih poslova Bosne i Hercegovine, u Sarajevu, 19. marta 2025. godine

I Uvod

Radna posjeta ministra socijalnog staranja, brige o porodici i demografije Ministarstvu civilnih poslova BiH održava se u okviru kontinuirane i dobre saradnje koju Crna Gora i Bosna i Hercegovina njeguju dugi niz godina. Ove dvije zemlje povezuju čvrsti bilateralni odnosi i zajednička posvećenost unapređenju socijalne politike i zaštite građana.

Obostrani interes za dalje snaženje saradnje posebno se ogleda u oblasti socijalnog osiguranja i socijalne zaštite. Ključni događaj posjete je potpisivanje Sporazuma o socijalnom osiguranju, što će omogućiti unaprjeđenje prava građana obje zemlje, kao i efikasniju koordinaciju politika u ovim oblastima. Ova posjeta predstavlja važan korak ka produbljivanju saradnje i otvara nove mogućnosti za zajedničke projekte i razmjenu iskustava, s ciljem postizanja održivih i dugoročnih rezultata.

II Ciljevi i značaj posjete

Cilj posjete je potpisivanje Sporazuma između Crne Gore i Bosne i Hercegovine o socijalnom osiguranju i Administrativnog sporazuma za sprovođenje Sporazuma između Crne Gore i Bosne i Hercegovine o socijalnom osiguranju, čime će se osigurati bolja zaštita prava građana u oblastima penzijskog, invalidskog, zdravstvenog osiguranja i osiguranja za slučaj nezaposlenosti. Takođe, cilj je jačanje postojeće saradnje između dvije zemlje u oblastima socijalne politike kroz razmjenu iskustava i najboljih praksi te definisanje narednih koraka za implementaciju sporazuma, uključujući tehničke i pravne aspekte, kao i uspostavljanje stalnih kanala komunikacije za praćenje realizacije dogovorenih aktivnosti.

Značaj posjete ogleda se u produbljivanju bilateralnih odnosa između Crne Gore i Bosne i Hercegovine kroz institucionalizaciju saradnje u oblasti socijalnog osiguranja i socijalne zaštite te jačanju regionalne stabilnosti i evropske perspektive kroz saradnju koja je usklađena sa evropskim standardima i praksama u oblasti socijalne politike. Ova posjeta predstavlja važan korak ka daljem unapređenju dobrih odnosa između Crne Gore i Bosne i Hercegovine, sa fokusom na konkretne rezultate i dugoročnu saradnju u oblastima od značaja za građane obje zemlje.

III Sastav delegacije

Za članove delegacije određeni su

- Damir Gutić, ministar socijalnog staranja, brige o porodici i demografije
- Mersida Aljićević, državna sekretarka
- Darka Džabasan, načelnica Direkcije za penzijsko i invalidsko osiguranje i boračku i invalidsku zaštitu

Troškove učešća crnogorske delegacije snosi Ministarstvo socijalnog staranja, brige o porodici i demografije